

Allannguutissatutsiunnersuut

uunga

**Imigassanik aalakoornartortalinnik nioqquteqartarneq sassaallertarnerlu
pillugit Inatsisartut inatsisissaattut siunnersuut**

Aappassaaneerinninnermut Naalackersuisunit saqqummiunneqartoq.

§ 2-mut

1. Imm. 1 ima oqaasertalerneqassaaq:

"Imigassanik aalakoornartortalinnik kimittuunik kimikitsunilluunniit nioqquteqassagaanni sassaalliissagaanniluunniit imigassanik aalakoornartortalinnik nioqquteqarsinnaanermut/sas-saallersinnaanermut akuersissummik pigisaqarnissaq piumasagaataavoq. Imigassanik aalakoornartortalinnik nioqquteqarsinnaanermut/sassaallersinnaanermut akuersissummik pissarsinnaassagaanni niuerneramik, assassornermik suliffissuarmillu ingerlatsineramik imaluunniit sutorniartarfiutilittut akunnittarfiutilittullu inuussutissarsiummik ingerlataqarsinnaanermut allagartamik akuersissummik pigisaqarnissaq piumasagaataavoq, tak. Kalaallit Nunaanni namminersorluni inuutissarsiuteqarneq pillugu Inatsisartut inatsisaat imaluunniit Kalaallit Nunaanni neriniartarfinnik akunnittarfinnillu ingerlatsinerit pillugit Inatsisartut inatsisaat, taamaattoq tak. imm. 2."

§ 3-mut

2. Imm. 1 aamma 2 ima oqaasertalerneqassapput:

"Imigassanik aalakoornartortalinnik nioqquteqarsinnaanermut/sassaallersinnaanermut akuersissut kommunimi pineqartumi kommunalbestyrelsimit tunniunneqartassaaq. Najukkani kommunit aggornerisa avataanniittuni imigassanik aalakoornartortalinnik nioqquteqarsinnaanermut/sassaallersinnaanermut akuersissutit naalackersuisunit tunniunneqartassapput.

Imm. 2. Imigassanik aalakoornartortalinnik

nioqquteqarsinnaanermut/sassaallersinnaanermut akuersissummik tunniussinermut atatillugu inuiaqatigiinnut ataqatigiissumik soqutigisat, imernaveersaartitsinerup annertusarneqarnissaanut atorneqarsinnaasut, kommunalbestyrelsip isiginiassavai.

Aammattaaq kommunalbestyrelsi immikkut piumasagaatinik aalajangersaasinnaavoq imernaveersaartitsinerup annertusarneqarnissaannut atorneqarsinnaasunik imaluunniit eqqaamiunut inuiaqatigiinnullu akornutaasunut killilersimaarutissanik."

3. Imm. 7 - 9 ima oqaasertalerneqassapput:

"Imm. 7. Kommunalbestyrelsip akuersissutigisinnaavaa nioqquteqartarneq sassaallertarnerluunniit akuersissummik qinnuteqaatip tunniunneqarneraniilli aallartissinnaasoq. Immikkut akuersissut taamaattoq piffissamut killilimmut akuersissutitut tunniunneqartassaaq, sivilunerpaamik akuersissuterpiaq pillugu kommunalbestyrelsip aalajangiinerata tiguneqarnissaata tungaanut. Akuersissut kimut tunniunneqarnerisoq, akuersissut akuersissummut sorlermut tunnganersoq, init suut akuersissummut ilaanersut kiisalu akuersissummut piumasagaataasut pillugit paasissutissanik imaqaassaaq.

Imm. 8. Piffissami akuersissutip atuuffiani suliffeqarfimmut piginnittumulluunniit tunngassuteqartut annertuumik allannguuteqarpata akuersissut kommunalbestyrelsip nutaamik isumaliutigeqqissinnaavaa. Piffissami killilikkami ataavartumilluunniit akuersissutaareersut kommunalbestyrelsip arsaarinnissutigisinnaavai, § 6 naapertorlugu annertuumik imaluunniit arlaleriarluni sumiginnaanerit pineqarpata.

Imm. 9. Imm. 2-miit 8-mut aamma imm. 10-mi aalajangersakkat imigassanik aalakoornartortalinnik nioqquteqarsinnaanermut/sassaallersinnaanermut akuersissutinut naalakkersuisunit tunniunneqartartunut taamatulli atuutsinneqassapput."

§ 8-mut

4. Imm. 1 ima oqaasertalerneqassaaq:

"Ataasiaannartuni peqatigiiffinni katerisimaarnerni katersortarfinni, filmertarfinni ininiluunniit allani kikkunnilluunniit atorneqarsinnaasuni ingerlanneqartuni imigassanik kimittuumik kimikitsunilluunniit akiliuteqartitsilluni sassaallerneq sassaallernermulluunniit assingusumik imigassallerneq aatsaat pisinnaavoq pisut ataasiakkaat tamat sioqqullugit ataasiaannartumik akuersissummik kommunalbestyrelsimit pissarseqqaarluni."

5. Imm. 4 oqaasertalerneqassaaq imatut:

"Imm. 4. Aaqqissuussinerup ataasiaannartumik akuersissummik pissarsiuunneqartup ingerlanneqarnissaa sioqqullugu ataasiaannartumik akuersissutip assilinera kommunalbestyrelsip politiinut nassiutissavaa."

§ 12-imut

6. Imm. 3 ima oqaasertalerneqassaaq:

"Imm. 3. Imm. 1-imi aalajangersagaq aamma sap. akunnerani ulloq suunersoq apeqqutaatinnagit decembarip 23-ani aamma decembarip 30-ani imigassanik kimikitsunik nioqquteqarneq nal. 09.00-imiit nal. 18.00-imut ingerlanneqarsinnaavoq. "

§ 13-imut

7. Imm. 2 ima oqaasertalerneqassaaq:

"Imm. 2. Imm. 1-imi aalajangersagaq apeqqutaatinnagu mittarfiit kioskiini akunnittarfinnullu unnuiffiusunut piffissami nal. 06.00-imiit nal. 12.00-ip tungaanut imigassanik kimittuunik kimikitsunillu sassaallernissamut immikkut akuersissutinik kommunalbestyrelsi tunniussisinnaavoq. Akuersissummi erseqqissumik taaneqassaaq piffissaq nal. 06.00-ip 12.00-illu akornanni akuersissuteqarfiusoq."

8. Kapitali 6-ip kapitalitut qulequtaa ima oqaasertalerneqassaaq:

"Immikkut aalajangersakkat"

§ 19-imut

9. Imm. 2 ima oqaasertalerneqassaaq:

"Imm. 2. Sutorniartarfinni sassaallertarfinnilu imigassanik aalakoornartortalinnik sassaallerfiusuni akuersissummik piginnittuusup isumagissavaa imerneqarsinnaasunik allanik aamma sassaallertoqarnissaanut periarfissaqassasoq, matumani immiaaqqat kimikitsumik aalakoornartortallit viinnillu aalakoornartortaqqangitsut imeruarsaatillu assigiinnigitsut ilanngullugit, taamaattoqarneralu erseqqissumik takuneqarsinnaasariaqarpoq akit viinnillu allattorsimaffianni. Aammattaaq imeq sermilik saqqumitinneqassaaq isersimasunit akiliuteqarani pineqarsinnaangorlugu."

§ 24-mut

10. Imm. 2 ima oqaasertalerneqassaaq:

"Imm. 2. § 3, imm. 2 -mi, oqaaseqatigiit aappaat malillugit akuersissummi allallugit immikkut piumasagaataasinnaasut pillugit Naalakkersuisut maleruagassanik aalajangersaasinnaapput."

§ 27-mut

11. Imm. 1 ima oqaasertalerneqassaaq:

"Imm. 1. § 2-mik unioqqutitsinerit, § 3, imm. 1-imi oqaaseqatigiit aappaat malillugit piumassaqaatitut aalajangersakkanik unioqqutitsinerit, § 3, imm. 5-istik, § 4, imm. 2-mi oqaaseqatigiit pingajuinik, § 4, imm. 4-10-nik unioqqutitsinerit, § 6, imm. 1 malillugu atugassarisatut aalajangersakkanik unioqqutitsinerit, § 7, imm. 1-istik, § 8, imm. 1-istik aamma 2-mik, §§ 9-14-inik, §§-inik 16 aamma 17-istik, § 18, imm. 1-4-nik, § 18, imm. 5-imi oqaaseqatigiinnik siullernik unioqqutitsinerit, § 19, imm. 1 malillugu inerteqqummik unioqqutitsineq, § 19, imm. 2-mi oqaaseqatigiit aappaannik, § 19, imm. 3-mik, § 20, imm. 1-imi oqaaseqatigiinnik siullernik, §§ 21 aamma 22-mik aammalu § 25-mik unioqqutitsinerit akiliisitsissutaasussangorlugit eqqartuunneqarsinnaapput. Pissutsit § 6-imi aalajangersakkanik aamma

unioqqutitsineruppat imigassanik aalakoornartortalinnik
nioqquteqarsinnaanermut/sassaallersinnaanermut akuersissummik
arsaarinnittoqarsinnaavoq."

12. Imm. 3 - 5 oqaasertalerneqassapput imatut:

"Imm. 3. Naalakkersuisut piginnaatinneqarput maleruaqqusami, inatsit manna tunngavigalugu aalajangersarneqartumi, aalajangersakkanik unioqqutitsinerit akiliisitaasitsissutigiginissaannut, aamma unioqqutitsineq akuersissummik piginnittuusumut imaluunniit sassaalliinermut akisussaasumut piaaraluneernikkut mianersuaalliornikkulluunniit pisuutitsissutaasinnaangikkaluarpalluunniit.

Aammattaaq killilersuinermi pointit arsaarinnissutigineqarsinnaanerat kiisalu arsaarinnissuteqarsinnaaneq pillugit maleruaqqusamik aalajangersaasoqarsinnaavoq.

Imm. 4. Unioqqutitsinernut aktiaateqarluni ingerlatseqatigiiffinnit, piginneqataassuteqarnikkut ingerlatseqatigiiffinnit imaluunniit piginneqatigiiffinnit taakkuluunniit assigisaannit piliarineqartunut ingerlatseqatigiiffik taamaattut eqqartuunneqarsinnaavoq akiliisitaasussanngorlugu. Unioqqutitsineq Namminersornerullutik Oqartussanit, kommunimit imaluunniit kommunit ataatsimoorlutik suliniaqatigiiffianit, kommunalbestyrelsit nunaqarfinnilu aqutsisut il.il. pillugit inatsisartut inatsisaanni § 64-imi pineqartunut ilaasumit, pilaappat Namminersornerullutik Oqartussat, kommunalbestyrelsi imaluunniit kommunit ataatsimoorlutik suliniaqatigiiffiat eqqartuunneqarsinnaavoq akiliisitaasussanngorlugu.

Imm. 5. Akuersissummik piginnittuusooq aamma suliffimmi imigassanik aalakoornartortalinnik nioqquteqartumi sassaallertartumiluunniit nioqquteqarnermut sassaallertarnermulluunniit akisussaasusooq § 18-imi aamma § 19, imm. 1-imi unioqqutitsinermi eqqartuunneqarsinnaavoq akiliisitaasussanngorlugu."

Nalinginnaasumik nassuiaatit

Inatsisissatut siunnersuutaqqaartup saqqummiunneqarnerata kingornatigut ilaatigut Inatsisartut Inatsisileriffianit paasissutissanik pissarsiniareerseq tunngavigalugu allannguutissatut siunnersuut saqqummiunneqarpoq. Oqaasertaliussat ataasiakkaat allanngortinneqarnerisa saniatigut allannguutissatut siunnersuutip imarai inatsisissatut siunnersuutip siullermeerlugu oqaluuserineqarnerata kingunerisaanik allannguutit.

Nassuiaatit

Nr.1-imut

Imarisai allanngortinngikkaluarlugit oqaasertai allanngortinneqarput.

Nr. 2-mut

Imarisai allanngortinngikkaluarlugit oqaasertai allanngortinneqarput.

Nr. 3-mut

Imm. 7-mi allannguut oqaasertaanik allannguineruvoq. Imm. 8-mi aamma 9-mi allannguinertigut kukkusumik innersuussinerit iluarsineqarput.

Nr. 4-mut

Imarisai allanngortinngikkaluarlugit oqaasertai erseqqissarlugit allanngortinneqarput.

Nr. 5-imut

Imarisai allanngortinngikkaluarlugit oqaasertai allanngortinneqarput.

Nr. 6-imut

Allannguut ilanngunneqarpoq kalaallisuuani siullermi kukkuneqarnera pissutigalugu.

Nr. 7-mut

Isumaa ersarinnerulersinniarlugu siunnersuutaaqqaartumi oqaaseqatigiit aappaat peerneqarput.

Nr. 8-mut

Oqaaseqatigiit paasiuminarnerulersinniarlugit allanngortinneqarpoq.

Nr. 9-mut

Immikkoortumi "immiaaqqat aalakoornartortaqqanngitsut" taarserneqarpoq "immiaaqqat kimikitsumik aalakoornartortallit", tassa ilisimatitsissutigineqarmat immiaaqqat aalakoornartortaqqanngitsut Nuuk Imeq A/S-imit pissarsiarineqarsinnaanngitsut taamaattumillu maqitsiviup nioqquteqarfiini nioqqutigineqaratik.

Nr. 10-mut

Allannguut oqaasertaliornernik erseqqissaaneruvoq.

Nr. 11-mut

Allannguutikkut aalajangersakkat suut pineqaatissiissuteqarfiusinnaanerat erseqqissarneqarpoq.

Nr. 12-imut

Imm. 3-mi allannguut erseqqissaanerup saniatigut allannguutaavoq inatsit manna tunngavigalugu naalakkersuisut aalajangersagaasigut tunngavissaasut naapertorluarlugit akisussaaffiliinissamut aalajangersakkat aalajangersarneqarsinnaaqqullugit. Kiisalu naalakkersuisut piginnaanilerneqarput inatsit manna tunngavigalugu aalajangersakkatigut arsaarinnissuteqarsinnaaneq pillugu aalajangersakkanik aalajangersaanissamut.

Imm. 4-mi inatsimmik unioqqutitsinermi akiliisitaasussanngorlugit eqqartuunneqarsinnaasut akornanni pisortat oqartussaasut taagorneqarneranni naalagaaffik peerneqarpoq.

Imm. 5-imi allannguut allannguutigineqarpoq inatsisiliornermi tekniki pissutigalugu aammalu pisut killiliiffigineqarlutik immikkoortoq taanna malillugu immikkut pineqaatissiissuteqarfiusinnaasut.